


The Cinemas actualmente transformando di 35mm pa Digital 3D



ORANJESTAD – Manera a ser anuncia The Cinemas ta pasando den un proceso di transformacion di pelicularan di 35mm pa pelicularan digital cu ta bini via un sistema di un “Computer Hard-Drive”.

E transformacion aki ta permiti The Cinemas pa proyecta pelicularan den 6 sala na Renaissance Marketplace y 6 sala na Paseo Herencia den un calidad obviamente superior usando e ultimo tecnologia cinematografico.

Ademas di e tur e cambio aki, un sala na Paseo Herencia

y un sala na Renaissance Marketplace lo tin e tecnologia di 3D na unda e cliente mester bisti un bril special pa por disfruta di e efecto special aki.

MetaCorp a inverti den aparatonan sofisticada pa por hiba e industria di cine na Aruba na e nivel maximo disponibel. Mientrastanto techniconan di

exterior ta na Aruba pa por instala e aparatonan pa sigura cu amantenan di bon cine awor lo por disfruta di e nivel maximo di calidad y sonido di cada pelicula.



Riba e fotonan adunto por aprecia Sr. Turi de Veer di The Cinemas den presencia di e expertonan local y internacional cu ta haciendo e trabou di transformacion for di 35mm pa digital.

E dos salanan cu lo ta equipa cu 3D ta un joint venture entre nos compania nacional di telecomunicacion, Setar y MetaCorp y e salanan aki lo carga e nomber di “Setar Auditorium”.

